

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0056869 24
Zenica, 22.01.2025. godine

OPĆINSKOM SUDU U KAKNJU
- Sudiji za prethodno saslušanje -
KAKANJ

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

OPTUŽNICU

Protiv:

G. E., neosuđivan,

Što je:

dana 06.01.2024. godine oko 20,20 sati, u K. u ulici ..., u samouslužnoj autopraonici „██████████“, vršeci nasilje prema drugom, naročito drskim ponašanjem i izazivanjem na tuču, ugrozio građanski mir S. M. iz K., tako što je, nakon što se skupa sa svojim drugom S. A. dovezao sa pmv marke „██████████“ crne boje, u samouslužnu praonicu „██████████“, te izašao iz auta kojim je upravljao S. A. i prišao u boks u kojem je oštećeni S. M. već prao svoje pmv marke „██████████“ zelene boje, da bi odmah istom počeo da psuje i da ga fizički napada na način da mu je šakama i lijevom i desnom rukom zadao četiri udarca u glavu, svjestan da takvim drskim ponašanjem, nasiljem prema S. M. i izazivanjem istog na tuču, ugrožava njegov građanski mir i da istog može lahko tjelesno povrijediti, što je i htio, pa iako oštećeni nije pružio nikakav otpor već samo stavio svoje ruke preko glave kako bi zaštitio svoju glavu, osumnjičeni mu se unio u lice psujući mu majku i rekavši mu: “ako se još jednom umiješaš između mene i A., svezat ću te, te ćeš gledati kako ti malu sestru j...m u š...k“, nakon čega se sa vozilom „██████████“ kojim je upravljao S. A. udaljio u nepoznatom pravcu, na koji opisani način je nasiljem i drskim ponašanjem ugrozio građanski mir S. M. i istom nanio lahko tjelesnu povredu u vidu oguljotine kože lijevog palca i nagnječenje glave u predjelu potiljka,

dakle, nasiljem prema drugom i naročito drskim ponašanjem, te izazivanjem na tuču, ugrozio građanski mir kojom prilikom je jedna osoba lahko tjelesno povrijeđena,

čime je počinio krivično djelo krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH.